

নিউরো-ডেভেলপমেন্টাল প্রতিবন্ধী সুরক্ষা ট্রাস্ট

১.০ পটভূমি

গণপ্রজাতন্ত্রী বাংলাদেশের সংবিধানে সকল নাগরিকের সম-অধিকার, মর্যাদা, মৌলিক মানবাধিকার ও সামাজিক সাম্য প্রতিষ্ঠার অঙ্গীকার ব্যক্ত করা হয়েছে। বাংলাদেশ প্রতিবন্ধী ব্যক্তিদের অধিকার সংক্রান্ত জাতিসংঘের সনদ (UNCRPD) অনুসমর্থন ও অনুস্বাক্ষর করেছে। সাংবিধানিক বাধ্যবাধকতা, আন্তর্জাতিক সনদের বাস্তবায়ন ও প্রতিবন্ধীবাধকব সরকারের সদিচ্ছায় অটিজমসহ স্নায়ুবিকাশজনিত প্রতিবন্ধী ব্যক্তিদের জীবনমান উন্নয়নে ২০১৩ সনে নিউরো-ডেভেলপমেন্টাল প্রতিবন্ধী সুরক্ষা ট্রাস্ট আইন প্রণয়ন করা হয়। এ আইনের বিধান অনুসারে ২০১৪ সনে নিউরো-ডেভেলপমেন্টাল প্রতিবন্ধী সুরক্ষা ট্রাস্ট স্থাপন করা হয়।

২.০ রূপকল্প

বাংলাদেশের নিউরো-ডেভেলপমেন্টাল প্রতিবন্ধী ব্যক্তিদের অধিকার সুরক্ষা ও তাদের জীবনমান উন্নয়ন

৩.০ অভিলক্ষ্য

- জাতিসংঘ ঘোষিত UNCRPD আলোকে বাংলাদেশের নিউরো ডেভেলপমেন্টাল প্রতিবন্ধী জনগোষ্ঠীর সমমর্যাদা, অধিকার, পূর্ণ অংশগ্রহণ এবং সমাজের মূলস্রোতধারায় সম্পৃক্তকরণের মাধ্যমে দেশের সার্বিক উন্নয়ন সাধন
- নিউরো-ডেভেলপমেন্টাল প্রতিবন্ধী বিষয়ক যাবতীয় কার্যক্রম সমন্বয় সাধন এবং জাতীয় পর্যায়ে নীতি নির্ধারণ ও নীতি বাস্তবায়ন বিষয়ে কার্যকর ভূমিকা পালন
- নিউরো-ডেভেলপমেন্টাল প্রতিবন্ধী ব্যক্তিদের জীবনব্যাপী যত্নপরিচর্যা, আবাসন, শিক্ষা, প্রশিক্ষণ, কর্মসংস্থান, পুনর্বাসন ও স্বাস্থ্যসেবা নিশ্চিতকরণ
- নিউরো-ডেভেলপমেন্টাল প্রতিবন্ধিতা বিষয়ক গবেষণা প্রতিবেদন, বুলেটিন, জার্নাল, সাময়িকী ও পুস্তিকা প্রকাশ এবং প্রচার-প্রচারণা
- নিউরো-ডেভেলপমেন্টাল প্রতিবন্ধী ব্যক্তিদের ক্রীড়া, শরীরচর্চা ও সাংস্কৃতিক কর্মকাণ্ডে অংশগ্রহণ নিশ্চিতকরণের কার্যকর ব্যবস্থা গ্রহণ

৪.০ উপদেষ্টা পরিষদ

‘নিউরো-ডেভেলপমেন্টাল প্রতিবন্ধী সুরক্ষা ট্রাস্ট আইন, ২০১৩’ অনুসারে ট্রাস্টের উপদেষ্টা পরিষদের কাঠামো:

ক্রমিক	পদবি	কমিটিতে পদবি
১.	মাননীয় প্রধানমন্ত্রী, গণপ্রজাতন্ত্রী বাংলাদেশ সরকার	সভাপতি
২.	মাননীয় মন্ত্রী, সমাজকল্যাণ মন্ত্রণালয়	সহ-সভাপতি
৩.	মাননীয় প্রতিমন্ত্রী, সমাজকল্যাণ মন্ত্রণালয়	সদস্য
৪.	মাননীয় মন্ত্রী, অর্থ মন্ত্রণালয়	সদস্য
৫.	মাননীয় মন্ত্রী, আইন বিচার ও সংসদ বিষয়ক মন্ত্রণালয়	সদস্য
৬.	মাননীয় মন্ত্রী, শিক্ষা মন্ত্রণালয়	সদস্য
৭.	মাননীয় মন্ত্রী, স্বাস্থ্য ও পরিবার কল্যাণ মন্ত্রণালয়	সদস্য
৮.	মাননীয় মন্ত্রী, প্রাথমিক ও গণশিক্ষা মন্ত্রণালয়	সদস্য
৯.	মাননীয় মন্ত্রী, শিল্প মন্ত্রণালয়	সদস্য
১০.	মাননীয় মন্ত্রী, শ্রম ও কর্মসংস্থান মন্ত্রণালয়	সদস্য
১১.	মাননীয় মন্ত্রী, স্থানীয় সরকার, পল্লী উন্নয়ন ও সমবায় মন্ত্রণালয়	সদস্য
১২.	মাননীয় মন্ত্রী, তথ্য মন্ত্রণালয়	সদস্য
১৩.	মাননীয় মন্ত্রী, মহিলা ও শিশু বিষয়ক মন্ত্রণালয়	সদস্য
১৪.	মাননীয় মন্ত্রী, খাদ্য মন্ত্রণালয়	সদস্য
১৫.	মাননীয় মন্ত্রী, দুর্যোগ ব্যবস্থাপনা ও ত্রাণ মন্ত্রণালয়	সদস্য
১৬.	সচিব, সমাজকল্যাণ মন্ত্রণালয়	সদস্য-সচিব


২৫.১০.২০

৫. ট্রাস্টি বোর্ড

‘নিউরো-ডেভেলপমেন্টাল প্রতিবন্ধী সুরক্ষা ট্রাস্ট আইন, ২০১৩’ অনুসারে ‘নিউরো-ডেভেলপমেন্টাল প্রতিবন্ধী সুরক্ষা ট্রাস্টি বোর্ড’-এর কাঠামো নিম্নরূপ:

ক্রমিক	পদবি/ ব্যক্তি	কমিটিতে পদবি
১.	সরকার কর্তৃক মনোনীত, নিউরো-ডেভেলপমেন্টাল প্রতিবন্ধী বিষয়ে অভিজ্ঞতা ও দক্ষতাসম্পন্ন একজন ব্যক্তি	চেয়ারপার্সন
২.	ব্যবস্থাপনা পরিচালক, জাতীয় প্রতিবন্ধী উন্নয়ন ফাউন্ডেশন	ভাইস-চেয়ারপার্সন
৩.	মহাপরিচালক, সমাজসেবা অধিদফতর	সদস্য
৪.	মহাপরিচালক, স্বাস্থ্য অধিদফতর	সদস্য
৫.	যুগ্ম সচিব (উন্নয়ন), সমাজকল্যাণ মন্ত্রণালয়	সদস্য
৬.	মহিলা ও শিশু বিষয়ক মন্ত্রণালয় কর্তৃক মনোনীত উক্ত মন্ত্রণালয়ের অন্যান্য যুগ্মসচিব পদমর্যাদার একজন কর্মকর্তা	সদস্য
৭.	স্বাস্থ্য ও পরিবার কল্যাণ মন্ত্রণালয় কর্তৃক মনোনীত উক্ত মন্ত্রণালয়ের অন্যান্য যুগ্মসচিব পদমর্যাদার একজন কর্মকর্তা	সদস্য
৮.	শ্রম ও কর্মসংস্থান মন্ত্রণালয় কর্তৃক মনোনীত উক্ত মন্ত্রণালয়ের অন্যান্য যুগ্মসচিব পদমর্যাদার একজন কর্মকর্তা	সদস্য
৯.	শিক্ষা মন্ত্রণালয় কর্তৃক মনোনীত উক্ত মন্ত্রণালয়ের অন্যান্য যুগ্মসচিব পদমর্যাদার একজন কর্মকর্তা	সদস্য
১০.	প্রাথমিক ও গণশিক্ষা মন্ত্রণালয় কর্তৃক মনোনীত উক্ত মন্ত্রণালয়ের অন্যান্য যুগ্মসচিব পদমর্যাদার একজন কর্মকর্তা	সদস্য
১১.	যুব ও ক্রীড়া মন্ত্রণালয় কর্তৃক মনোনীত উক্ত মন্ত্রণালয়ের অন্যান্য যুগ্মসচিব পদমর্যাদার একজন কর্মকর্তা	সদস্য
১২.	খাদ্য মন্ত্রণালয় কর্তৃক মনোনীত উক্ত মন্ত্রণালয়ের অন্যান্য যুগ্মসচিব পদমর্যাদার একজন কর্মকর্তা	সদস্য
১৩.	অর্থ বিভাগ কর্তৃক মনোনীত উক্ত বিভাগের অন্যান্য যুগ্মসচিব পদমর্যাদার একজন কর্মকর্তা	সদস্য
১৪.	ব্যাংক ও আর্থিক প্রতিষ্ঠান বিভাগ কর্তৃক মনোনীত উক্ত বিভাগের অন্যান্য যুগ্মসচিব পদমর্যাদার একজন কর্মকর্তা	সদস্য
১৫.	স্থানীয় সরকার বিভাগ কর্তৃক মনোনীত উক্ত বিভাগের অন্যান্য যুগ্মসচিব পদমর্যাদার একজন কর্মকর্তা	সদস্য
১৬.	লেজিসলেটিভ ও সংসদ বিষয়ক বিভাগ কর্তৃক মনোনীত উক্ত বিভাগের অন্যান্য যুগ্মসচিব পদমর্যাদার একজন কর্মকর্তা	সদস্য
১৭.	স্বাস্থ্য ও পরিবার কল্যাণ মন্ত্রণালয় কর্তৃক গঠিত অটিজম ও স্নায়ু বিকাশজনিত সমস্যা বিষয়ক জাতীয় পর্যায়ের স্টিয়ারিং কমিটি কর্তৃক একজন প্রতিনিধি	সদস্য
১৮.	নিউরো-ডেভেলপমেন্টাল প্রতিবন্ধী ব্যক্তি বা তাহার মাতা, পিতা, অভিভাবক বা নিবন্ধিত সংগঠনের প্রতিনিধিগণের মধ্য হইতে সরকার কর্তৃক মনোনীত ৭ (সাত) জন প্রতিনিধি	সদস্য
১৯.	সরকার কর্তৃক মনোনীত জনহিতৈষীমূলক কার্যক্রমে জড়িত ব্যক্তিগণের বা প্রতিষ্ঠানের ২ (দুই) জন প্রতিনিধি	সদস্য
২০.	ব্যবস্থাপনা পরিচালক, নিউরো-ডেভেলপমেন্টাল প্রতিবন্ধী সুরক্ষা ট্রাস্ট	সদস্য-সচিব

৬. নিউরো-ডেভেলপমেন্টাল প্রতিবন্ধী সুরক্ষা ট্রাস্টের জনবল

ক্র.নং	পদবি	গ্রেড	অনুমোদিত পদ সংখ্যা	কর্মরত পদ সংখ্যা	শূন্য পদ সংখ্যা	নিয়োগযোগ্য পদ সংখ্যা	পদোন্নতিযোগ্য পদ সংখ্যা
১.	ব্যবস্থাপনা পরিচালক (যুগ্মসচিব)	৩য়	১	১	০	০	০
২.	পরিচালক	৪র্থ	১	১	০	০	০
৩.	উপপরিচালক	গ্রেড-০৬	১	১	০	০	০
৪.	সহকারী পরিচালক	গ্রেড-০৯	১	১	০	০	০
৫.	প্রশাসনিক কর্মকর্তা	গ্রেড-১০	১	১	০	০	০
৬.	সহকারী হিসাবরক্ষণ কর্মকর্তা	গ্রেড-১১	১	১	০	০	০
৭.	ব্যক্তিগত সহকারী	গ্রেড-১৪	১	১	০	০	০
৮.	অফিস সহকারী কাম কম্পিউটার মুদ্রাক্ষরিক	গ্রেড-১৬	৩	১	২	২	০
৯.	ডেসপাচ রাইডার	গ্রেড-১৯	১	১	০	০	০
১০.	গার্ডিচালক (লাইট)	সাকুল্য বেতনে	২	২	০	০	০
১১.	অফিস সহায়ক	সাকুল্য বেতনে	৩	০	৩	৩	০
১২.	নিরাপত্তা প্রহরী	সাকুল্য বেতনে	২	২	০	০	০
১৩.	পরিচ্ছন্নতা কর্মী	সাকুল্য বেতনে	১	১	০	০	০

৭. স্বাস্থ্য সম্পর্কিত কার্যক্রম

৭.১ চিকিৎসা সহায়তা হিসেবে এককালীন অনুদান প্রদান: এনডিডি ব্যক্তিদের চিকিৎসা সহায়তা হিসেবে এনডিডি সুরক্ষা ট্রাস্ট হতে আর্থিক সহায়তা প্রদান করা হয়। ২০২২-২৩ অর্থবছরে ২০০০ জন এনডিডি ব্যক্তিকে ১০,০০০/- (দশ হাজার) টাকা করে G2P পদ্ধতিতে মোবাইল ফিন্যান্সিয়াল সার্ভিস 'নগদ' এর মাধ্যমে সরাসরি উপকারভোগীদের নিকট আর্থিক অনুদান প্রদান করা হয়েছে। এছাড়াও বিশেষ চিকিৎসা অনুদান হিসেবে ২০২২-২৩ অর্থবছরে ৭জন এনডিডি বৈশিষ্ট্যসম্পন্ন ব্যক্তিকে ৩,৬৫,০০০/- (তিন লক্ষ পঁয়ষট্টি হাজার) টাকা প্রদান করা হয়েছে।

৭.২ 'প্রতিবন্ধী ব্যক্তিদের জন্য বঙ্গবন্ধু সুরক্ষা বীমা প্রবর্তন: এনডিডি ব্যক্তিদের স্বাস্থ্য সুরক্ষা নিশ্চিতকল্পে এনডিডি সুরক্ষা ট্রাস্টের আওতায় বীমা উন্নয়ন ও নিয়ন্ত্রণ কর্তৃপক্ষ এর সাথে সমন্বয়পূর্বক একটি স্বাস্থ্য বীমা পরিকল্পনা প্রণয়ন করা হয়েছে। ১ মার্চ ২০২২ খ্রি. তারিখ জাতীয় বীমা দিবসে 'প্রতিবন্ধী ব্যক্তিদের জন্য বঙ্গবন্ধু সুরক্ষা বীমা' আনুষ্ঠানিকভাবে মাননীয় প্রধানমন্ত্রী উদ্বোধন করেন। ঢাকা ও সিলেট সিটি কর্পোরেশন এবং এ দুই জেলার আওতাধীন উপজেলাসমূহে এক বছরের জন্য পাইলটিং ভিত্তিক কার্যক্রম চালু হয়। ২০২২-২৩ অর্থবছরে ইতোমধ্যে ৫০৪ জন এনডিডি ব্যক্তিকে বীমা কার্যক্রমের আওতায় আনা হয়েছে। পাইলটিং শেষে বীমা উন্নয়ন ও নিয়ন্ত্রণ কর্তৃপক্ষ, এনডিডি সুরক্ষা ট্রাস্ট ও সাধারণ বীমা কর্পোরেশন কর্তৃক মূল্যায়ন কার্যক্রম চলমান রয়েছে। একই সঙ্গে একটি কার্যকর স্বাস্থ্য বীমা পরিকল্পনা প্রণয়নপূর্বক সেবাগ্রহীতাদের মাঝে বীমা চালুর পর্যায়ে রয়েছে।



'প্রতিবন্ধী ব্যক্তিদের জন্য বঙ্গবন্ধু সুরক্ষা বীমা' আনুষ্ঠানিকভাবে মাননীয় প্রধানমন্ত্রী কর্তৃক উদ্বোধন

৩

৭.৩ বীমা বন্ধু পুরস্কার ২০২২ অর্জন:

নিউরো-ডেভেলপমেন্টাল প্রতিবন্ধী সুরক্ষা ট্রাস্ট কর্তৃক এনডিডি ব্যক্তিদের জন্য 'বন্ধুবন্ধু সুরক্ষা বীমা' প্রবর্তন করা হয়। এ ধরনের প্রতিবন্ধী ব্যক্তিদের জন্য এ বিশেষ ধরনের বীমা কার্যক্রম বাংলাদেশে প্রথম চালু করা হয়েছে। বাংলাদেশের স্বনামধন্য টেলিভিশন চ্যানেল আরটিভি দেশের বীমা খাতে অবদানের জন্য বিভিন্ন ক্যাটাগরীতে ব্যক্তি ও প্রতিষ্ঠানকে বীমা এওয়ার্ড প্রদান করে থাকে। এনডিডি ব্যক্তিদের জন্য এ বিশেষ ধরনের বীমা চালু করে বাংলাদেশের বীমা খাতে এক উল্লেখযোগ্য অবদান রাখায় আরটিভি কর্তৃক নিউরো-ডেভেলপমেন্টাল প্রতিবন্ধী সুরক্ষা ট্রাস্টকে বীমা বন্ধু পুরস্কার ২০২২ এ ভূষিত করে।



চিত্র: আরটিভি কর্তৃক আয়োজিত বীমা এ্যাওয়ার্ড ২০২২ অনুষ্ঠানে নিউরো-ডেভেলপমেন্টাল প্রতিবন্ধী সুরক্ষা ট্রাস্টের পক্ষে ট্রাস্টি বোর্ডের চেয়ারপার্সন প্রফেসর ডা. মো: গোলাম রব্বানী এবং ট্রাস্টের ব্যবস্থাপনা পরিচালক জনাব মো: শাহ আলম বীমা বন্ধু পুরস্কার ২০২২ গ্রহণ করেছেন।


৭.৪ ওয়ানস্টপ স্বাস্থ্যসেবা প্রদান: দেশের সকল হাসপাতালে নিউরো-ডেভেলপমেন্টাল প্রতিবন্ধী ব্যক্তিদের ওয়ানস্টপ স্বাস্থ্যসেবা প্রাপ্তির লক্ষ্যে সংশ্লিষ্ট হাসপাতালের পরিচালক/ তত্ত্বাবধায়ককে প্রধান করে ১১ সদস্য বিশিষ্ট একটি ওয়ানস্টপ স্বাস্থ্যসেবা প্রদান কমিটি গঠন করা হয়েছে। মানসম্পন্ন সেবা প্রদানের লক্ষ্যে এ প্রতিষ্ঠানগুলোকে শক্তিশালীকরণ ও জবাবদিহি বাড়াতে সক্ষমতা বৃদ্ধি এবং পেশাভিত্তিক ও অবহিতকরণ কোর্স চালু রাখা হয়েছে।

৮.০ শিক্ষা সম্পর্কিত কার্যক্রম


৮.১ এনডিডি শিশুদের জন্য বিশেষ শিক্ষাক্রম প্রণয়ন: এনডিডি শিক্ষার্থীদের উপযোগী শিক্ষা প্রদানের লক্ষ্যে এনডিডি সুরক্ষা ট্রাস্টের তত্ত্বাবধানে বিশেষ শিক্ষাক্রম প্রণয়ন করা হচ্ছে। এ বিষয়ে স্টেকহোল্ডারদের অংশগ্রহণ ও তাদের মতামতের ভিত্তিতে একটি খসড়া শিক্ষাক্রম প্রণয়ন করা হয়েছে। গত ৩০-০৫-২০২৩ তারিখে এনডিডি শিক্ষার্থীদের জন্য প্রণীত খসড়া বিশেষ শিক্ষাক্রম সমাজকল্যাণ মন্ত্রণালয়ে প্রেরণ করা হয়েছে। সমাজকল্যাণ মন্ত্রণালয় কর্তৃক বিশেষ শিক্ষাক্রমটি যাচাই বাছাই কার্যক্রম চলমান রয়েছে।

৯.০ প্রশিক্ষণ কার্যক্রম

৯.১ মাতা-পিতা/অভিভাবকগণের প্রশিক্ষণ: এনডিডি সুরক্ষা ট্রাস্ট কর্তৃক এনডিডি বৈশিষ্ট্যসম্পন্ন শিশু/ব্যক্তিদের পিতা-মাতা/অভিভাবকদের অনলাইন প্রশিক্ষণ কর্মসূচি চালু করা হয়েছে। ২০২২-২৩ অর্থ বছরের বার্ষিক কর্মপরিকল্পনা মোতাবেক ৮ টি ব্যাচে ৩৬০ জন পিতা-মাতা/অভিভাবককে এ প্রশিক্ষণ প্রদান করা হয়েছে।



৯.২ বিশেষ স্কুলের শিক্ষকদের প্রশিক্ষণ: এনডিডি সুরক্ষা ট্রাস্ট কর্তৃক এনডিডি বিদ্যালয়ের শিক্ষকদের জন্য অনলাইন প্রশিক্ষণ কর্মসূচী চালু করা হয়েছে। ২০২২-২৩ অর্থ বছরের বার্ষিক কর্মপরিকল্পনা মোতাবেক ৬ টি ব্যাচে ৩০০ জন শিক্ষককে এ প্রশিক্ষণ প্রদান করা হয়েছে।



এনডিডি বিদ্যালয়ের শিক্ষকগণের ভার্সিয়াল প্ল্যাটফর্মে অনলাইন প্রশিক্ষণ

৯.৩ এনডিডি বৈশিষ্ট্যসম্পন্ন ব্যক্তিদের মাতা-পিতা/অভিভাবকদের ওরিয়েন্টেশন কর্মশালা: এনডিডি সুরক্ষা ট্রাস্ট কর্তৃক এনডিডি বৈশিষ্ট্যসম্পন্ন শিশু ও ব্যক্তিদের জীবনব্যাপী যত্ন-পরিচর্যা বিষয়ে করণীয় সম্পর্কে মাতা-পিতা/অভিভাবকদের ওরিয়েন্টেশন কর্মশালা আয়োজন করা হয়। গত ২৪ মে ২০২৩ তারিখে বাংলাদেশ ইন্সটিটিউট অফ অ্যাডমিনিস্ট্রেশন ম্যানেজমেন্ট (বিয়াম) মিলনায়তনে অনুষ্ঠিত কর্মশালায় ২৩৮ জন অংশগ্রহণকারী উপস্থিত ছিলেন। বর্ণিত কর্মশালায় প্রধান অতিথি হিসেবে সমাজকল্যাণ মন্ত্রণালয়ের মাননীয় মন্ত্রী জনাব নুরুজ্জামান আহমেদ এমপি, বিশেষ অতিথি হিসেবে সমাজকল্যাণ মন্ত্রণালয় সম্পর্কিত স্থায়ী কমিটির সভাপতি জনাব রাশেদ খান মেনন এমপি ও সমাজকল্যাণ মন্ত্রণালয়ের সম্মানিত সচিব জনাব মো: জাহাঙ্গীর আলম উপস্থিত ছিলেন।



(Handwritten signature)

৯.৪ এনডিডি বিদ্যালয়ের শিক্ষক ও পেশাজীবীদের সমন্বয়ে এনডিডি শিক্ষা বিষয়ক কর্মশালা: এনডিডি সুরক্ষা ট্রাস্ট কর্তৃক এনডিডি বিদ্যালয়ের শিক্ষক ও পেশাজীবীদের সমন্বয়ে এনডিডি শিক্ষা বিষয়ক ওরিয়েন্টেশন কর্মশালা আয়োজন করা হয়। গত ২১ জুন ২০২৩ তারিখে সুইড বাংলাদেশ মিলনায়তনে (৪/এ, নিউ ইস্কাটন, ঢাকা-১০০০) অনুষ্ঠিত কর্মশালায় ২০০ জন অংশগ্রহণকারী উপস্থিত ছিলেন। বর্ণিত কর্মশালায় প্রধান অতিথি হিসেবে সমাজকল্যাণ মন্ত্রণালয়ের মাননীয় মন্ত্রী জনাব নুরুজ্জামান আহমেদ এমপি, বিশেষ অতিথি হিসেবে সমাজকল্যাণ মন্ত্রণালয় সম্পর্কিত স্থায়ী কমিটির সভাপতি জনাব রাশেদ খান মেনন এমপি ও সমাজকল্যাণ মন্ত্রণালয়ের সম্মানিত সচিব জনাব মো: জাহাজ্জীর আলম উপস্থিত ছিলেন।



৯.৫ কেয়ারগিভার স্কিল ট্রেনিং (CST) কার্যক্রম: অটিজম ও এনডিডি শিশুর পিতা-মাতা/ অভিভাবকগণকে শিশুদের যত্ন ও পরিচর্যা, স্বাস্থ্য, শিক্ষাসহ অধিকার সম্পর্কে সচেতন করার লক্ষ্যে বিশ্ব স্বাস্থ্য সংস্থার (WHO) কারিগরি সহযোগিতায় এনডিডি সুরক্ষা ট্রাস্ট কেয়ার গিভার স্কিল ট্রেনিং (CST) চালুর লক্ষ্যে একটি মডিউল প্রণয়নের উদ্যোগ গ্রহণ করে। WHO এর নির্দেশনা অনুযায়ী মডিউলটি প্রথমে ইংরেজিতে Adaptation করা হয়। বাংলাভাষায় ভাষান্তরিত ৪৯৩ পৃষ্ঠার মডিউলটি বাংলাদেশের আর্থ সামাজিক ও সাংস্কৃতিক প্রেক্ষাপটে প্রতিস্থাপন করে WHO এর অনুমোদন গ্রহণ করা হয়েছে। এটি বাস্তবায়নের মাধ্যমে এনডিডি বৈশিষ্ট্যসম্পন্ন ব্যক্তির জীবনব্যাপী যত্ন-পরিচর্যা ও তাদের সার্বিক বিকাশ লাভের জন্য দক্ষ কেয়ারগিভার তৈরি করার উদ্যোগ নেয়া হয়েছে।


১০.০ উদ্ভাবনী কার্যক্রম ও ই-সেবাসমূহ

১০.১ “স্মার্ট অটিজম বার্তা অ্যাপ”: এনডিডি সুরক্ষা ট্রাস্টের আওতায় “স্মার্ট অটিজম বার্তা” নামক একটি মোবাইল অ্যাপ প্রণয়নের কার্যক্রম সম্পন্ন করা হয়েছে, যা একটি কমিউনিটি ভিত্তিক ইন্টারেক্টিভ স্ক্রিনিং টুল (মোবাইল অ্যাপ্লিকেশন) যার মাধ্যমে অটিজম স্ক্রিনিং ও পরবর্তী করণীয় বিষয়গুলো সহজে জানা যাবে। ২ এপ্রিল ২০২২ তারিখে বিশ্ব অটিজম সচেতনতা দিবসের অনুষ্ঠানে মাননীয় প্রধানমন্ত্রী কর্তৃক অ্যাপসটি উদ্বোধন করা হয়। বর্তমানে অ্যাপ্লিকেশনটি গুগল প্লে স্টোরে রয়েছে। এটিকে বহুল প্রচার ও ব্যবহারে জনপ্রিয় করার উদ্যোগ নেয়া হয়েছে।



"স্মার্ট অটিজম বার্তা" সিস্টেমটির কার্যপ্রণালী ও ফিচারসমূহের নমুনা দৃশ্য

১০.২ 'বলতে চাই' অ্যাপ: এনডভি সুরক্ষা ট্রাস্টের আওতায় 'বলতে চাই' নামক একটি অ্যাপ মোবাইল/ট্যাব এর মাধ্যমে ব্যবহার উপযোগী করে অমৌখিক যোগাযোগ প্রযুক্তি (For non-verbal persons with disabilities) ইতোমধ্যে সম্পন্ন হয়েছে। বর্তমানে এ্যাপ্লিকেশনটি গুগল প্লে স্টোরে রয়েছে। এটিকে বহুল প্রচার ও ব্যবহারে জনপ্রিয় করার উদ্যোগ নেয়া হয়েছে।



"বলতে চাই" সিস্টেমটির কার্যপ্রণালী ও ফিচারসমূহ

১১.০ এনডিডি সুরক্ষা ট্রাস্ট কর্তৃক গৃহীত ও সম্ভাব্য প্রকল্পসমূহ

১১.১ “অটিজম ও এনডিডি সেবাদান কেন্দ্র” শীর্ষক প্রকল্প: “নিউরো-ডেভেলপমেন্টাল প্রতিবন্ধী সুরক্ষা ট্রাস্ট আইন, ২০১৩ এর ১৭ ধারা মোতাবেক বর্ণিত ২৪টি কাজ এবং National Strategic Action Plan ২০১৬-২০৩০ এর আলোকে এনডিডি সম্পর্কিত অংশের কাজ বাস্তবায়নের জন্য ৪৯.৯৯ কোটি টাকা ব্যয়ে দেশের ১৪টি স্থানে অটিজম ও এনডিডি সেবা কেন্দ্র শীর্ষক একটি উন্নয়ন প্রকল্প (এপ্রিল ২০২২ হতে মার্চ ২০২৫) গ্রহণ করা হয়েছে যার বাস্তবায়ন কার্যক্রম চলমান।

প্রকল্পের মাধ্যমে গুরুত্বপূর্ণ কার্যক্রম ও সেবাসমূহের বিবরণ:

১. থেরাপি সেবা:

জীবনচক্রব্যাপী স্নায়ুবিদ সমস্যাগ্রস্থ ৪ ধরনের প্রতিবন্ধী শিশু ও ব্যক্তিগণকে মাল্টি ডিসিপ্লিনারি টিম-এর মাধ্যমে থেরাপি সেবা।

সেবাগুলো হবে:

- ক. অকুপেশনাল থেরাপি
- খ. স্পিচ এন্ড ল্যাংগুয়েজ থেরাপি
- গ. ফিজিও থেরাপি
- ঘ. সাইকোলজিস্ট কর্তৃক সাইকোসোশ্যাল কাউন্সেলিং
- ঙ. শারীরিক ও মানসিক কাউন্সেলিং
- চ. খাদ্য-পুষ্টি ও স্বাস্থ্যবিষয়ক সেবা ও পরামর্শ প্রদান
- ছ. সহায়ক উপকরণ ও সহায়ক প্রযুক্তিভিত্তিক থেরাপি সেবা প্রদান

২. পিতা/ মাতার মৃত্যুতে অভিভাবক নিয়োগ কার্যক্রম

৩. স্বাস্থ্য বীমাকরণ

৪. চিকিৎসা অনুদান প্রদান

৫. শিক্ষা বৃত্তি ও উপবৃত্তি প্রদান

৬. একীভূত শিক্ষার ক্ষেত্রে সহায়তা প্রদান

৭. এনডিডি বিদ্যালয় পরিচালনা, মনিটরিং ইত্যাদি

৮. পিতা/ মাতা/ কেয়ারগিভার প্রশিক্ষণ

৯. এনডিডি বিদ্যালয়ের শিক্ষকদের প্রশিক্ষণ

১০. বৃত্তিমূলক প্রশিক্ষণ ও কর্মসংস্থান

১১. নিউরো-ডেভেলপমেন্টাল প্রতিবন্ধিতা শনাক্তকরণ

১২. উদ্ভাবিত অ্যাপ্লিকেশন ব্যবহারে প্রশিক্ষণ

১৩. ডিজিটাল পদ্ধতি/ সফটওয়্যারের মাধ্যমে ই-সার্ভিস কানেক্টিভিটি স্থাপন

১৪. নিরাপদ আবাসন কেন্দ্র প্রতিষ্ঠা/ দিবাযাত্র কেন্দ্রস্থাপন

১৫. নিউরো-ডেভেলপমেন্টাল প্রতিবন্ধিতা বিষয়ে ব্যাপক প্রচার-প্রচারণা

১৬. ক্রীড়া, সাংস্কৃতিক ও শিল্পসত্তার বিকাশ

১৭. সমাজের মূল স্রোতধারায় সম্পৃক্তকরণে স্থানীয় জনপ্রতিনিধি ও প্রশাসনের সাথে সম্পৃক্ত থেকে কাজ করা

১১.২ Development and Implementation of e-Services for Treatment, Education & Management System of Autism Spectrum Disorder (ASD) People শীর্ষক প্রকল্প:

অটিজমসহ এনডিডি বৈশিষ্ট্যসম্পন্ন শিশু ও ব্যক্তিদের জীবনমান উন্নয়নের জন্য অ্যাপ্লিকেশন বেইজড ই-সার্ভিস কানেক্টিভিটির আওতায় চিকিৎসা, শিক্ষাসহ নানাবিধ সেবা দেয়ার লক্ষ্যে একটি প্রকল্প গৃহীত হয়। ১০/০২/২০২২ খ্রি: তারিখ আইসিটি বিভাগ, নিউরো-ডেভেলপমেন্টাল প্রতিবন্ধী সুরক্ষা ট্রাস্ট এবং ই-জেনারেশন+ CMED এর মধ্যে Development and Implementation of e-Services for Treatment, Education & Management System of Autism Spectrum Disorder (ASD) People শীর্ষক প্রকল্পটি বস্তবায়ন বিষয়ক একটি ত্রিপক্ষীয় সমঝোতা স্মারক স্বাক্ষরিত হয়। সে আলোকে কার্যক্রম চলমান রয়েছে।

১১.৩ উন্নয়ন প্রকল্প ও ভবিষ্যৎ পরিকল্পনা: ভবিষ্যৎ কর্মপরিকল্পনার অংশ হিসেবে নিউরো-ডেভেলপমেন্টাল প্রতিবন্ধী ব্যক্তিদের অধিকার সুরক্ষা ও তাদের জীবনমান উন্নয়ন, জীবনব্যাপী যত্নপরিচর্যা, আবাসন, শিক্ষা, প্রশিক্ষণ, পুনর্বাসন ও স্বাস্থ্যসবো নিশ্চিতকরণের লক্ষ্যে নিউরো-ডেভেলপমেন্টাল প্রতিবন্ধী সুরক্ষা ট্রাস্ট কর্তৃক '৮টি বিভাগে অটিজম ও এনডিডি বৈশিষ্ট্যসম্পন্ন শিশু ও ব্যক্তির জন্য ৮টি আবাসন,শিক্ষা, প্রশিক্ষণ, কর্মসংস্থান ও রিহাবিলিটেশন কেন্দ্র স্থাপন শীর্ষক প্রকল্প', গ্রহণের উদ্যোগ গ্রহণ করা হয়েছে। সে লক্ষে খসড়া ডিপিপি প্রণয়নের কার্যক্রম সম্পন্ন করা হয়েছে। এছাড়াও অটিজম ও এনডিডি ব্যক্তির খাদ্য ও পুষ্টি নিরাপত্তা শীর্ষক প্রকল্পসহ বিভিন্ন প্রকল্প ৩/৪ বছরের মধ্যে বাস্তবায়নের পরিকল্পনা গ্রহণ করা হয়েছে।



(Handwritten signature)

১২.০ সচেতনতামূলক কার্যক্রম

১২.১ Behavior Change Communication (BCC) Materials প্রণয়ন:

নিউরো-ডেভেলপমেন্টাল প্রতিবন্ধী সুরক্ষা ট্রাস্ট অটিজম ও এনডিডি ব্যক্তিদের সম্বন্ধে সম্যক ধারণা ও সচেতনতা সৃষ্টির লক্ষ্যে সমাজের বিভিন্ন স্তরের ব্যক্তিদের যেমন- মাননীয় সংসদ সদস্য, সরকারি কর্মকর্তা, উপজেলা ও ইউনিয়ন পরিষদের চেয়ারম্যান, স্কুলের প্রধান শিক্ষক ও ধর্মীয় নেতাদের জন্য Behavior Change Communication (BCC) Materials তৈরি করা হয়। উক্ত BCC Materials প্রণয়নের ফলে অটিজম ও এনডিডি সম্পর্কে কুসংস্কার ও নেতিবাচক ধারণা পরিহার করে এ বিষয়ে বিভিন্ন শ্রেণি-পেশার মানুষের মধ্যে সচেতনতা তৈরি ও তাদের দায়িত্ব ও কর্তব্য সম্পর্কে সম্যক ধারণা প্রদান করার জন্য তা শহরে, জেলা ও উপজেলা পর্যায়ে বিতরণ করা হচ্ছে।



১২.২ আইন ও বিধিসমূহের সংকলন প্রকাশ ও বিতরণ:

প্রতিবন্ধিতা নিয়ে সরকারি - বেসরকারি প্রতিষ্ঠানের কর্মসম্পূর্ণতা ও কর্ম উদ্দীপনা বৃদ্ধি, প্রতিবন্ধিতা সংক্রান্ত বিধি বিধান সম্পর্কে সম্যক জ্ঞান আহরণ এবং সচেতনতা বৃদ্ধির লক্ষ্যে প্রতিবন্ধী ব্যক্তিদের জন্য বিদ্যমান আইন, বিধি ও অন্যান্য সংশ্লিষ্ট প্রয়োজনীয় সরকারি আদেশ-নির্দেশনা সমূহের একটি সংকলন প্রকাশ করা হয়েছে। সংকলনটি বিতরণের মাধ্যমে সংশ্লিষ্টদের এ বিষয়ে সম্যক ধারণা লাভ সম্ভব হচ্ছে। ট্রাস্টের ওয়েবসাইটে এর সফটকপি আপলোড করা হয়েছে।

১২.৩ প্রামাণ্য চিত্র তৈরী: প্রতিবছর বিশ্ব অটিজম সচেতনতা দিবসে এনডিডি বিষয়ক প্রামাণ্য চিত্র তৈরী করা হয়। এবারও বিশ্ব অটিজম সচেতনতা দিবসে এনডিডি সুরক্ষা ট্রাস্ট কর্তৃক প্রামাণ্য চিত্র তৈরি করা হয়েছে। ০২ এপ্রিল ২০২৩ বিশ্ব অটিজম সচেতনতা দিবসে...টি ডকুমেন্টারি ও ...টি টিভিসি প্রণয়ন করা হয়। প্রণীত ডকুমেন্টারি সমূহ ২টি টিভি চ্যানেল ও সোশ্যাল মিডিয়াতে প্রচার/উন্মুক্ত করা হয়েছে। ট্রাস্টের ওয়েবসাইটেও আপলোড করা হয়েছে। এছাড়াও অটিজমসহ নিউরো-ডেভেলপমেন্টাল প্রতিবন্ধিতা নিয়ে সমাজে প্রচলিত কুসংস্কার ও ভুল ধারণা দুরীকরণ ও সচেতনতা বৃদ্ধিতে ট্রাস্টের আওতায় টিভিসি, ডকুমেন্টারি প্রণয়ন করার কাজ চলমান রয়েছে।

১৩.০ পুনর্বাসন কার্যক্রম

১৩.১ এনডিডি শিশু/ব্যক্তিদের পুনর্বাসন: অটিজম ও এনডিডি ব্যক্তিদের সার্বিক জীবনমান উন্নয়ন ও পুনর্বাসনের লক্ষ্যে সমাজসেবা অধিদফতরারধীন বগুড়া জেলায় অবস্থিত সামাজিক প্রতিবন্ধী মেয়েদের প্রশিক্ষণ ও পুনর্বাসন কেন্দ্রে ৫০ জন পুরুষ এনডিডি শিশু/ব্যক্তি এবং ব্রাহ্মণবাড়িয়া জেলায় অবস্থিত সামাজিক প্রতিবন্ধী মেয়েদের প্রশিক্ষণ ও পুনর্বাসন কেন্দ্রে ৫০ জন মহিলা এনডিডি শিশু/ব্যক্তিকে পুনর্বাসনের উদ্যোগ গ্রহণ করা হয়েছে। অর্থ বিভাগের অনুমোদনের পরিপ্রেক্ষিতে প্রতিকেন্দ্রে ৮ জন করে মোট ১৬ জন হোস্টেল অ্যাটেন্ড্যান্ট (কেয়ারগিভার) নিয়োগ করা হয়েছে। নিবাস কেন্দ্র দুইটি চালু করার সকল প্রক্রিয়া সম্পন্ন করা হয়েছে। খুব শীঘ্রই তারিখ নির্ধারণপূর্বক সমাজকল্যাণ মন্ত্রণালয়ের মাননীয় মন্ত্রী মহোদয় কর্তৃক নিবাস কেন্দ্র দুইটি উদ্বোধন করা হবে।

১৪.০ অন্যান্য কার্যক্রম

১৪.১ অভিভাবক নিবন্ধন নির্দেশিকা প্রণয়ন: ট্রাস্ট আইন অনুযায়ী এনডিডি শিশু/ব্যক্তিদের অভিভাবক নিবন্ধনের সুযোগ থাকায় অভিভাবক নিবন্ধন প্রক্রিয়াটিকে সহজীকরণের লক্ষ্যে অভিভাবক নিবন্ধন নির্দেশিকা প্রণয়ন করে জেলা কমিটির নিকটে প্রেরণ করা হয়েছে। ট্রাস্টের ওয়েবসাইটে এর কপি আপলোড করা হয়েছে।

১৪.২ সংগঠন নিবন্ধন নির্দেশিকা প্রণয়ন: ট্রাস্ট আইন অনুযায়ী সংগঠন নিবন্ধন সুযোগ থাকায় এ প্রক্রিয়াটিকে সহজীকরণের লক্ষ্যে সংগঠন নিবন্ধন নির্দেশিকা প্রণয়ন করে জেলা কমিটির নিকটে প্রেরণ করা হয়েছে সুযোগ থাকায় এ প্রক্রিয়াটিকে সহজীকরণের লক্ষ্যে সংগঠন নিবন্ধন নির্দেশিকা প্রণয়ন করে জেলা কমিটির নিকটে প্রেরণ করা হয়েছে।

১৪.৩ সাংস্কৃতিক চর্চা, মেধা বিকাশ ও চিত্রাঙ্কন প্রতিযোগিতা আয়োজন: এনডিডি শিশু ও ব্যক্তিদের প্রতিভা ও মেধা বিকাশের লক্ষ্যে জাতির পিতা বঙ্গবন্ধু শেখ মুজিবুর রহমান- এর জন্মবার্ষিকী ও জাতীয় শিশু দিবস উপলক্ষ্যে এবং ১৫ আগস্ট তারিখে জাতির পিতা বঙ্গবন্ধু শেখ মুজিবুর রহমান এর শাহাদত বার্ষিকী ও জাতীয় শোক দিবস উপলক্ষ্যে চিত্রাঙ্কন ও রচনা প্রতিযোগিতার আয়োজন করা হয়। প্রতিযোগিতায় সকল অংশ গ্রহণকারীদের শ্রেষ্ঠা পুরস্কার এবং বিজয়ীদের মধ্যে পুরস্কার ও আর্থিক প্রণোদনা প্রদান করা হয়। ফলে এনডিডি বেষ্টিন্যসম্পন্ন শিশুদের সাংস্কৃতিক চর্চা ও প্রতিভা বিকাশের সুযোগ সৃষ্টি হচ্ছে।



১৫.০ দিবস উদযাপন

১৫.১ বিশ্ব অটিজম সচেতনতা দিবস উদযাপন: প্রতিবছর ২ এপ্রিল তারিখে বিশ্ব অটিজম সচেতনতা দিবস সারাদেশব্যাপী যথাযোগ্য মর্যাদায় উদযাপন করা হয়ে থাকে। গত ২ এপ্রিল ২০২৩ তারিখে ১৬ তম বিশ্ব অটিজম সচেতনতা দিবস উদযাপন উপলক্ষ্যে বঙ্গবন্ধু আন্তর্জাতিক সম্মেলন কেন্দ্রে আয়োজিত অনুষ্ঠানে সমাজকল্যাণ মন্ত্রণালয়ের মাননীয় মন্ত্রী বীর মুক্তিযোদ্ধা জনাব নুরুজ্জামান আহমেদ এমপি, মাননীয় প্রতিমন্ত্রী জনাব আশরাফ আলী খান খসরু এমপি, সমাজকল্যাণ মন্ত্রণালয় সম্পর্কিত স্থায়ী কমিটির সভাপতি জনাব রাশেদ খান মেনন এমপি, এবং সমাজকল্যাণ মন্ত্রণালয়ের সম্মানিত সচিব জনাব মো: জাহাঙ্গীর আলম উপস্থিত ছিলেন। অটিজম বিষয়ে ব্যাপক জনসচেতনতা বৃদ্ধি ও অবদান রাখতে উদ্বুদ্ধ করার লক্ষ্যে এ বিষয়ে সংশ্লিষ্টজনের উৎসাহ ও প্রশোদনা প্রদানের জন্য বিভিন্ন ক্যাটাগরীতে অটিজম পদক প্রদান করা হয়। অটিজম বৈশিষ্ট্যসম্পন্ন সফল ব্যক্তি ক্যাটাগরীতে ০৩ জন ব্যক্তিকে ১,৫০,০০০/- (এক লক্ষ পঞ্চাশ হাজার) টাকা, অটিজম বৈশিষ্ট্যসম্পন্ন জনগোষ্ঠীর উন্নয়ন ও সুরক্ষার ক্ষেত্রে নিরলসভাবে কাজ করে যাচ্ছে এমন ০৩ জন ব্যক্তিকে ১,৫০,০০০/- (এক লক্ষ পঞ্চাশ হাজার) টাকা এবং অটিজম বৈশিষ্ট্যসম্পন্ন সফল ০২ জন পিতা মাতা অভিভাবককে ১,০০,০০০/- (এক লক্ষ) টাকা সম্মাননা প্রদান করা হয়। এ দিবস উদযাপন উপলক্ষ্যে লিফলেট, পোস্টার, ব্রোশিউর ইত্যাদি মূদ্রণ ও বিতরণ, বিভিন্ন জাতীয় দৈনিক পত্রিকায় ফ্রোডপত্র প্রকাশ এবং টিভিসি/ডকুমেন্টারি প্রণয়নপূর্বক বিভিন্ন টিভি চ্যানেলে ও সোশ্যাল মিডিয়াতে ব্যাপক প্রচার করা হয়।



২ এপ্রিল ২০২৩ তারিখ বিশ্ব অটিজম সচেতনতা দিবস উদযাপন

(Handwritten signature)

১৫.২ বিশ্ব ডাউন সিনড্রোম দিবস উদযাপন: প্রতিবছর ২১ মার্চ তারিখে বিশ্ব ডাউন সিনড্রোম দিবস উদযাপন করা হয়। এর ধারাবাহিকতায় নিউরো ডেভেলপমেন্টাল প্রতিবন্ধী সুরক্ষা ট্রাস্টের উদ্যোগে গত ২১ মার্চ ২০২৩ তারিখে ১০ম জাতীয় এবং ১৮ তম বিশ্ব ডাউন সিনড্রোম দিবস উদযাপন করা হয়। সুইড বাংলাদেশ মিলনায়তনে (ইস্কাটন গার্ডেন, ঢাকা-১০০০) অনুষ্ঠিত আলোচনা সভায় প্রধান অতিথি হিসেবে সমাজকল্যাণ মন্ত্রণালয়ের মাননীয় মন্ত্রী জনাব নুরুজ্জামান আহমেদ এমপি, বিশেষ অতিথি হিসেবে সমাজকল্যাণ মন্ত্রণালয় সম্পর্কিত স্থায়ী কমিটির সভাপতি জনাব রাশেদ খান মেনন এমপি, সভাপতি হিসেবে সমাজকল্যাণ মন্ত্রণালয়ের সম্মানিত সচিব জনাব মো: জাহাঙ্গীর আলম উপস্থিত ছিলেন। উক্ত অনুষ্ঠানে এনডিডি সুরক্ষা ট্রাস্ট কর্তৃক ২০ জন ডাউন সিনড্রোম বৈশিষ্ট্যসম্পন্ন শিক্ষার্থীকে এককালীন ১০,০০০/- (দশ হাজার) টাকা করে সর্বমোট ২,০০,০০০/- টাকা প্রদান করা হয়।



২১ মার্চ ২০২৩ তারিখ বিশ্ব ডাউন সিনড্রোম দিবস উদযাপন

১৫.৩ বিশ্ব সেরিব্রাল পালসি দিবস উদযাপন: প্রতিবছর ৬ অক্টোবর তারিখে বিশ্ব সেরিব্রাল পালসি প্রতিবন্ধী ব্যক্তি দিবস উদযাপন করা হয়। এর ধারাবাহিকতায় ২০২২ সালের ৬ অক্টোবর নিউরো ডেভেলপমেন্টাল প্রতিবন্ধী সুরক্ষা ট্রাস্টের উদ্যোগে সুবর্ণ ভবন, জাতীয় প্রতিবন্ধী উন্নয়ন ফাউন্ডেশনে বিশ্ব সেরিব্রাল পালসি প্রতিবন্ধী ব্যক্তি দিবস যথাযোগ্য মর্যাদায় উদযাপন করা হয়। দিবস উপলক্ষ্যে আয়োজিত অনুষ্ঠানে প্রধান অতিথি হিসেবে সমাজকল্যাণ মন্ত্রণালয়ের মাননীয় মন্ত্রী জনাব নুরুজ্জামান আহমেদ এমপি অনলাইন জুম প্ল্যাটফর্মে সংযুক্ত ছিলেন, এছাড়াও বিশেষ অতিথি হিসেবে সমাজকল্যাণ মন্ত্রণালয়ের মাননীয় প্রতিমন্ত্রী জনাব আশরাফ আলী খান খসরু এমপি, উপস্থিত ছিলেন। উক্ত অনুষ্ঠানে এনডিডি সুরক্ষা ট্রাস্ট কর্তৃক ০৫ জন সেরিব্রাল পালসি বৈশিষ্ট্যসম্পন্ন শিক্ষার্থীকে এককালীন ১০,০০০/- (দশ হাজার) টাকা করে এবং ০৫ জন সেরিব্রাল পালসি বৈশিষ্ট্যসম্পন্ন উদ্যোক্তাকে ১০,০০০/- (দশ হাজার) টাকা করে সর্বমোট ১,০০,০০০/- (এক লক্ষ) টাকা অনুদান প্রদান করা হয়।



(Handwritten signature)